

Arkiv: <arkivID><jplD> FA-U01, FE-233
JournalpostID:
Sakshandsamar:
Dato: 25.08.2021

Saksframlegg

Saksnr.	Utval	Møtedato
104/21	Utval for næringutvikling og drift	01.09.2021

Rammer for kommunal kompensasjonsordning for lokale verksemder, tildeling hausten 2021

Rådmannen sitt framlegg til vedtak:

Alver kommune legg opp rammene for kommunal kompensasjonsordning for lokale verksemder slik det er lagt fram i saka.

Utval for næringutvikling og drift 01.09.2021:

Handsaming:

Utvalet vedtok samrøystes rådmannen sitt framlegg til vedtak.

ND- 104/21 Vedtak:

Alver kommune legg opp rammene for kommunal kompensasjonsordning for lokale verksemder slik det er lagt fram i saka.

Politisk handsaming

Saka skal avgjerast i utval for næringsutvikling og drift.

Kva saka gjeld:

Denne saka gjeld avklaring på rammer og prosess for ny tildeling av kommunal kompensasjonsordning for lokale verksemder.

Saksopplysningar:

Bakgrunn:

Alver kommune har fått tildelt NOK 1 710 000 som skal fordelast vidare til lokalt næringsliv som er råka av smitteverntiltak. Føremålet med tilskotet er å setje kommunane betre i stand til å avhjelpe situasjonen for *lokale verksemder som er særleg hardt råka av lokale eller nasjonale smitteverntiltak*.

Ordninga skal også fungere som ei kommunal ventilorning for å kompensere lokale verksemder som fell heilt eller delvis utanfor dei generelle kompensasjonsordningane. Kommunane skal bruke midlane på tiltak for lokale verksemder som er ramma av strenge smitteverntiltak.

Kommunane har betydeleg fridom til å tilpasse kva for verksemder dei kan støtte avhengig av den lokale situasjonen. Kommunane må dele ut midlane innan 01.11.2021. Stønad til verksemder må vere i samsvar med regelverket for offentleg støtte. Departementet har utarbeida eit forenkla søknadsskjema som verksemdene kan nytte, og verksemdene skal søke via regionalforvaltning.no. Kommunen skal sende sluttrapport til departementet innan 31.12.2021

Vurdering

Det er lagt opp til at kommunane har stor fridom til å utarbeide rammer for kompensasjonsordninga som treff utfordringane i det lokale næringslivet. Men det er presisert at kommunane skal bruke midlane på tiltak for

lokale verksemdar som er ramma av strenge smitterverntiltak, og at det skal vere ei ventilordning for å kompensere lokale verksemdar som fell heilt eller delvis utanfor dei generelle kompensasjonsordningane. Verksemdar i Alver har i større eller mindre grad vore råka av smitterverntiltaka, og det har råka dei aller fleste bransjar.

Det er viktig å leggje opp til ei ordning som er enklast mogleg å handtere, både for verksemdene og for kommunen. Rådmannen tilrår derfor følgjande rammer for kompensasjonsordninga i Alver kommune:

- Kompensasjonsordninga gjeld primært for verksemdar som ikkje har mottatt koronastønad frå kommunen tidlegare, men alle verksemdar i Alver kommune som er råka av smitterverntiltak kan søkje.
- Stønaden vert gjeve etter reglane for bagatellmessig stønad. Søkjar må dokumentere eventuell anna motteke offentleg stønad i løpet av 2019, 2020 og 2021. Dersom tilskot gjes i form av bagatellmessig stønad, tilrår det at det ikkje spesifiserast kva for kostnader tilskotet er meint til å dekke eller kompensere for.
- Søkjarar må dokumentere omsetnadssvikt eller betydelege kostandar for smittervernstiltak i 2020 og/eller 2021 i form av rekneskapsrapport.
- Nivået på stønaden heng saman med tal søkerar. Om det er mange søknadar innafor kriteria, kan det bli ein sjablongmessig reduksjon av kompensasjonsbeløp.
- For å få stønad må verksemdene vere registrert før 12. mars 2020 og ikkje vere under konkursbehandling eller avvikling.
- Vidare må verksemdar drive lovleg og ha betalt skattar, avgifter og forskotstrekk med forfall før 29. februar 2020
- *Søknader sendast inn via www.regionalforvaltning.no.*
- Søknadsfrist: 1. oktober 2021

Vedlegg i saken:

25.08.2021	Statsbudsjett-2021-tilskotsbrev-kommunal-kompensasjonsordning	1601454
25.08.2021	Kommunal kompensasjonsordning for lokale verksemdar - kommunevis fordeling	1601461